

池州府志卷第六

中憲大夫知江南池州府事加六級襄平馬世永編纂

山川志一 貴池齊山上

齊山在府城南三里有峯十餘齊等故名



宋王哲齊山志 嘉祐中

東西廣三里上有十餘峯其高四十尋周殆十里其西直郡之譙門距城十餘步其高等故曰齊山或謂此山因唐刺史齊映有善政故名焉

按唐書映未刺

載映弟照池州刺史未知舊說何據也

山分三面濱湖巖洞三十有二 節文

舊志

腸蟠腹捆斗峻箕張

形勝

兩焉而骨脇立日焉而華采

浮晦則雲氣欲歎霽則林靄葱蒨暑避流漿寒入挾

續氣候

池緣翠微堤三里為齊山山高不及九華然秀壑多奇

石都人不絕遊故其名與九華埒

楊學曾海內奇觀

○唐杜牧九日齊山登高

江涵秋影鴈初飛與客攜壺上翠微塵世難逢開口

笑菊花須插滿頭歸但將醕酌酬佳節不用登臨怨

落暉古往今來只如此牛山何必淚沾衣

○張祜和杜牧之齊山登高

秋溪南岸菊霏霏急管繁絃對落暉紅葉樹深山逕

斷碧雲江淨浦帆稀不堪孫盛嘲時笑願送王洪醉

夜歸流落正憐芳意在砧聲徒促授寒衣

徐鉉池州陳使君見示游齊山詩因寄

往歲曾游弄水亭齊峯濃翠暮軒橫哀猿出檻心雖

喜傷鳥聞絃勢易驚病後簪纓殊寡興老來泉石倍

關情今朝池口風波靜遙賀山前有頌聲

○宋吳中復齊山

當時齊映為州日從此山因姓得名却自牧之賦詩

後每逢秋至菊含情

●司馬光齊山呈王學士

自注名哲字微之

江上有奇山羣峯矗如翦昔聞齊刺史置酒升絕巘
其人有惠政嘉名自茲遠君來踵其跡詞牒入清簡
驟駒時入谷勝地窮搜選問俗復懷人非徒事游行

●蘇舜欽過池陽游齊山洞

城南飛橋跨清溪度橋並轡千丈隄隄窮水盡翠微
出繫馬道旁尋杖藜巉巉石骨不見土一色新削青
玻璃怪巖奇壑分左右絕頂俯睨長江低當時登真
插菊處至今勝日爭提攜荒亭已頽斷碣什霜草

地寒蟹啼杜郎風流杳何處祇有茲山仍號齊其間
一洞景更絕喜子曾遊知舊蹊踰岡陟巘數里險路
斷忽復忘東西石芒鈎衣藤罽帽荒榛叢篠交冥迷
遙呼野人問不識下趨却踏湖邊畦前邊佳處似髣
髴興倦不惜重扳躋徑穿蒙密得竅穴俛首匍匐藤
柱臍日光忽漏天宇小所見正爾如醯雞流蘇承蓋
結高屋旁入詰曲房與閨卦著二碑史氏植欲讀奈
此苔蘚泥斯人好事世亦少挽置俛視茫無梯厓間
名字半磨滅後來遊者猶堪稽摸碑幸寄却細讀我
思仍欲煩鐫題

○重過齊山清溪

蘇舜欽

翠微曾與客同遊，陟險搜奇興未休。
八載重來驚老大，千年高咏想風流。
雲迷複嶺深藏洞，水落寒江遠見洲。
安得符籙張太守，畫圖再與寫清愁。

○王安石和王微之望齊山感李太白杜牧之

齊山置酒菊花開，秋浦聞猿江上哀。
此地流傳空翰墨，昔人埋沒已蒿萊。
平生志業無高論，末世篇章有逸才。
尚得使君驅五馬，與尋陳跡久徘徊。

次韻和吳仲庶池州齊山圖畫

省中何忽有崔嵬，六幅生綃坐上開。
指點便知巖石處，登臨新作使君來。
雅懷重向丹青得，勝勢兼隨翰墨回。
更想杜郎詩在眼，一江春雪下離堆。

○曹仁海和王微之使君齊山懷古韻

臨風眺遠夕陽開，鴈陣橫江一送哀。
爲感千秋森祭戟，不知何處是蓬萊。
謫仙豪放空餘韻，小杜風流擅冶才。
數點煙波今古思，尊前黃菊幾低徊。

○張孝祥齊山

江山平遠三千里，水石空嵌二百巖。
地盡天開成洞府，峯迴路轉有精藍。
九華却立才堪倚，萬井橫陳我所監。
欲賦齊山無傑句，夢中危壁尚巉巖。

周必大錄

乾道三年

九月丁亥至齊山山脚插入清溪石色青蒼可畫洞
穴半出水中泛舟叩其戶而返步登延慶先爲指南
環寺巖洞可見者羅漢殿後曰妙空巖在大石中次
曰丹砂巖俯僂乃可入片石斜出扣之聲控控然四
旁屈曲皆奇石也法堂之下曰蕉筆巖亦名唐公巖
原注張環字唐公嘉祐三年有黃人臨諸人題字山
任記以蕉爲筆書巖旁故云

之上曰春流泉進窺無底洞歷武功巖遂至觀音巖
巖本名上清兩崖對越三面環抱有程正輔蔣頤

題字右轉登寄隱亭

原注大字
吳中復名

西面皆翠石有小

刻寄隱巖三字其前有熙寧甲寅重陽日太守劉敦
思甫題名東北乃紫微亭故基面淮南諸山下臨秋
浦清溪直接大江眼界豁然又其旁拔起數峯奇甚
謂之小九華蓋與上清巖皆齊山最勝處也崎嶇行
峽中僅可通人稍前曰大石谷又稍前曰定力窟深
不可測又其上即翠微亭是爲山巔杜牧之云江涵
秋影鴈初飛此地此時也東望碧峯劔立於遠山之
坳者九華也南望大山橫陳者太婆嶺綠諸峯也北
眺州城邑屋可數大槩主山自紫巖蜿蜒西來其左
即貴池口輿地志所謂梁昭明太子食貴池湖魚而

美者其右即清溪秋浦望之全類臨安之西湖而一
隄隱然屬城亦類蘇公隄此又登臨最勝處也久之
由別徑下九頂洞上有九頂圓如盤覆中頗平廣有
盤石可坐嘉祐中因太守王哲易名集仙宮原注哲與王介甫唱酬甚多集仙洞後有穴側身可過一小洞也竇以其所帶職邪
穴上穿頗類月巖而其背山上乃唐觀郡樓基王哲
易名青霄亭今亦廢其下曰獨秀巖翠壁橫峙可愛
訪左史洞爲馬軍寨所限出寺行里許乃至焉實寺
之後山也其深數丈可達於外左史謂李方玄景業
也杜牧之代景業來守故爲立名而張祐書之又言
石燕洞大抵皆石也

○王十朋子長

提舉常平李承議庚也

招遊齊山

路經秋浦上崔嵬不負孤舟萬里回峯比九華微具
體洞疑三竺遠飛來勝窮巖石玲瓏地秀吸江湖浩
渺盃先却紫微期一月菊花未放桂花開
子長見示汪樞密遊齊山詩因次其韻

莫莫休休祇欲閒貴池誤照野人顏好詩如見元樞
面佳境仍逢相國山自注山因齊映得名談笑從容禪榻畔夢

魂髣髴翠微間吾儕相勉崇名節峴首風流庶可攀

自注李監題跋用羊祐事

朱仲文和詩用齊山韻以酬

蜀居同我上崔嵬
峽水相隨共載回
秋月迎人雪川去
商風吹客浙江來
山遊未盡無窮力
酒興應嫌有限杯
准擬吳中作重九
菊花休道不須開

子長和汪樞密齊山詩復用前韻

腐儒無用分投間
吳蜀分符祇強顏
去訪少陵三峽水
來尋太白九華山
小舟載酒清溪口
健卒傳詩白浪間
風伯相留作吟社
願低筆力許追攀

○張拭登齊山

舊聞齊山勝抱病來
登臨蒼然俯平湖
秀山幾百尋

穹石天與巧修篁近成林
高攀極巉巖俯探窮窈深
愛此堅貞姿摩挲會余心
憶行西湖岸亦復多敬歎
頗恨人力勝刻畫時見侵
誰知醜石面乃亦變孔壬
何如榛莽間屹立長森森
天然抱幽獨妙質逢賞音
支筇到絕頂孤亭指遙岑
樊川有留咏兀坐此長吟
齊山石壁間見林擇之題字
緬懷其人賦此

平生子林子一別今幾春
寧知林壑中忽見題墨新
巉巖屹蒼石恍若對其人
徘徊不忍去我懷誰爲陳
自子來江東相去亦已邇
謂當復相逢跂首日望子
云何竟差池又此隔千里
憑高久佇立飛鴻渺煙水

呂祖謙齊山野步

石梁俯清流苔石明可數芳簷春晝長寂寞亭陰午
鳥啼花徑深風絮浩無主幽人不可親棋聲時出戶
戴曷抵池陽未入關泊于齊山數日因窮巖壑之
勝

瘦策相扶上翠微眼驚奇怪足忘疲三十六洞猶昔
者四百餘年無牧之漲水淼瀾春雨後遠山重疊夕
陽時幾多江北江南恨問著沙鷗總不知

馮裒然遊齊山

萬山森玉寒如削一騎奔塵去欲飛路闊並鞍同笑
馬酒酣執手話依違英名他日垂青史好語今朝寄
翠微三月錢塘湖上道莫歌金縷易忘歸

王哲齊山洞天記

端平中

齊山如臥虎然首於申尾於寅延慶院南向據其曾
也其棟宇橫架巖石林麓間望之麗若圖畫爲是邑
名山之勝也端平二年提舉王伯大扁其外門曰齊
山洞天由松逕而入數十步至中門躡蹬道而上扁
曰雲梯前有藏殿後有佛閣東西跨壑立亭曰一覽
高敞可愛其後曰妙空巖元祐初蔣之奇命名也其
罅有一石擊之如鍾磬曰丹砂由法堂而北曰蕉筆

巖張公祐以蕉書石壁故名東有藏嶰曰新巖有泉
滴瀝而下曰春溜張時修刻大壽字於左前有亭曰
雲壑躡石分道而北上曰武功巖正北有上清巖一
名觀音巖西北有寄隱巖南有石壁如屏又數武有
石窟泉滴滴可飲一人名一人泉又東三步絕石棧
臨上清巖回寄隱巖又西北至竇雲巖兩石對峙如
洞門有紫微亭北至小九華峯峯巒聳拔九華之勝
也下有石坑深險不可入俗呼無底洞由雲壑分道
而南約數步曰漫巖又二十六步曰唐公巖西北有
洞曰九頂又曰集仙臺三丈廣半之北上至峯之巔

曰翠微亭唐刺史杜牧九日登高賦詩所下瞰陂澗
及清溪州治關其前長江繚其外最爲臨眺之佳境
此見于齊山之右者然也由翠微循山脊捫磴攀蘿
崎嶇東下約三里許得華蓋洞石勢輪囷如車蓋高
約三四丈下可容數十人西有一穴可磬折而入飛
鼠甚多執燎照之則回翔故名石燕洞西北有玉桂
巖深可一丈北有蓮子洞深可二丈由坡而上有危
檐傑棟巋然屹立于東巖之巔者繡春臺也鶴山魏
了翁書北睇江淮在目由北而下漸覺山環抱地平
夷而樹木陰翳之中有繡春道院依石爲扉傍翼兩

室曰仁靜曰智樂左有洞曰新興坎級而下豁然明
敞壁立數仞嘉定中史定之又刻曰史巖傍有繡衣
石一洞秉燭而入有跡蜿蜒或指爲潛蚪別有洞曰
左史左史者州守李芄也杜牧代之故爲立名又兩
石夾道約數十步過一石門偃僂而入得平地可三
數丈如壺中之天故曰壺天石眼有泉一泓可掬而
飲之過繡春臺數百步有二洞東曰獅子西曰圓頂
有泉如乳舊逸二洞名今特因其形而命之此見于
齊山之左者然也若夫山北之景則從道院右邊而
下太守李方玄以山無溪澗之澤乃沿其北址築防

斯濼廣十餘丈深數丈長三里芰荷魚鼈可育而菜
今遺址尚存東有虎嘯巖及石虎洞中有石如虎蹲
皆險絕不可上而中有九曲水石勢縈迴山泉清澈
天造地浚殆類人爲又有茂林修竹隱映如上宛然
蘭亭氣象也有醒翁巖巖有醒翁石舊有亭而今不
存又有待巖者最遠而大迤邐而西達于長堤則一
山之景盡矣李芄刻有待巖者言有待而存也然齊
山之泉大小凡十一而半巖爲勝玉壺連星爲奇飛
觴濯纓爲大巖壁之號凡十九而有待爲大巖壑之
號凡有九而上清爲最洞之號凡十四而潛蚪尤清

幽遊者徜徉乎山間而窮日之力不能遍覽今歷久而湮蕪不可復考姑錄所傳聞者於右餘闕疑焉

元貢奎登齊山

出郭行五里落日衆山赤中環翠凝巒秀色起千尺
風流杜牧守壯語鑄妙畫我來嚴冬初俛仰一今昔
人煙久變故鬼怪據幽僻披叢得小逕往來遭折屐
亂石排犬牙荒洞泯龍跡空餘巖前碑兩日自淋炙
黃花既非時何以共太白但須歷層巔一笑天地窄

薩都刺夢登齊山

登高遠望四山齊何處風流杜牧之白紵曾聽松

唱紫簫適向月中吹野雲雨過無行跡芳草春深有
斷碑夢裏勝遊閑記得翠微亭上寫烏絲

杖藜踏破碧崔嵬夢裏清游樂未回萬壑泉聲松外
出數行秋色鴈邊來文章小杜人何在風雨重陽菊
自開山路雲深行客倦竹雞飛上獨春臺

明陳孟晟齊山

齊山秀出接長空此會登高興轉濃無數黃花人共
折有緣白髮我相逢衝開密雪長松鶴敲落斜陽古
寺鍾醕酌不知歸路晚明年佳會可追蹤

范吉齊山

杜牧詩中識此山果然今日一躋攀江光浩蕩虛亭
外仙跡踰躡怪石間竹短袖披風籟響洞深屐印雨
苔斑登臨處處堪圖畫引得遊人不肯還

紀輔齊山次杜韻

清溪水深鳧鴈飛齊山日出晨光微登臨不減昔人
興笑傲獨倚空亭歸黃花幾枝弄晚色紅樹一簇含
晴暉酒闌扶醉出林壑天風浩蕩吹裳衣

黎擴齊山次杜韻

齊山登高興欲飛江空水落秋氣微千家萬家砧杵
急一陣兩陣鴻鴈歸古人勝事付流水此日清尊延
落暉黃花滿頭醉歸處天風浩浩吹人衣

黎近齊山次杜韻

歲月悠悠去似飛乾坤浩蕩一身微官貧況值無羊
節家遠何當有鴈歸謾把黃花延暮景間看紅樹弄
晴暉齊山燕罷歸來晚一路秋霜拂繡衣

方謨齊山次杜韻

楚江東下鴈南飛九日登高當翠微樵客躡雲麋鹿
過山童埽葉老僧歸一籬陶菊宜秋色滿把吳萸醉
夕暉吟眺適逢休沐暇從教印綠染苔衣

林俊齊山次杜韻

輕衫瘦杖疾如飛有約尋幽上翠微
帆臥渚煙兼鳥沒僧披林葉帶雲歸
醉憑青竹看殘句吟坐香林送晚暉
回首虎溪成一笑浮生應免露沾衣

葉恩齊山次杜韻

齊山直上興遄飛江影涵空四望微
杜牧詩存人已去翠微亭古鶴空歸
屐深衰草憐秋色帽插黃花傍夕暉
此會古人能有幾斷碑細讀剔苔衣

王守仁遊齊山賦并序

齊山在池郡之南五里許唐齊映嘗刺池亟遊其間後人因以映姓名山繼又以杜牧之詩遂顯名於海內弘治壬戌正旦守仁以公事到池登茲山弔二賢之遺跡則既荒於草莽矣感慨之餘因拂崖石而記歲月云

事之甫暇乘案牘之餘暉歲亦徂而更始巾子
東歸循池陽而延望見齊山之崔嵬寒陰慘而
濕結浮靄于山扉振長飈而舒嘯麾綵見于虹霓
千巖豁其開朗埽羣林之霏霏羲和闖危巔而出候
到回景於蒼磯躡晴霞而直上凌華蓋之歲蕤俯長
江之無極天風颯其飄衣窮巖洞之幽邃坐孤亭于
翠微尋遺躅于煙莽哀壑悄而泉悲感昔人之安在
菊屢秋而春菲鳥相呼而出谷鴈流聲而北飛歎人
事之倏忽晷草露于須斯際遙矚于雲表見九華之
參差忽黃鶴之孤舉動陵陽之遐思顧泥途之溷濁

困鹽車於櫪馬苟長生之可期吾視棄富貴如礫瓦
吾將曠八極以遨遊登九天而視下餐朝霞而飲沆
瀣扳子明之逸駕豈塵網之誤羈歎仙質之未化亂
曰曠觀宇宙漠以廣兮仰瞻却顧終焉仿兮吾不能
局促以自污兮復慮其謬以妄兮已矣乎君親不可
忘兮吾安能長駕而獨往兮

何紹正齊山次杜韻

閒雲縹緲拍着飛到此令人俗慮微煙樹亂猿啼且
嘯松巢雙鶴去還歸詩脾沁徹寒泉溜醉眼摩挲
照暉野趣宜人牽吏隱頻頻抖擻看山衣

金齊山次杜韻

風江上早鴻飛喜共名公上翠微此日尊前羸我
醉古來林下見誰歸平鋪野色增秋況亂點殘雅噪
夕暉謾向蒼崖尋古刻摩挲老眼拂苔衣

金忠齊山次杜韻

覽古推今逸興飛齊山煙景正霏微昔人能有幾人
在此日何妨盡日歸秋浦荒涼埋宿草清溪嗚咽送
斜暉年光如電無情甚莫惜登臨日典衣

黃孔昭齊山次杜韻

空亭想見白雲飛天際羣山半渺微水落遠邨煙火

起帆收近浦客船歸巖前雨色凝寒溜雅背秋光閃
夕暉杜老可能專勝事泥深花徑惜朝衣

陳良器齊山次杜韻

楊花無數遶隄飛春盡登山春意微佳製流傳人已
遠古亭搖落客何歸半江新綠流晴靄滿徑殘紅照
夕暉欲去還留成眷戀都忘坐石冷侵衣

包鼎齊山次杜韻

樹頭殘葉逐風飛天際輕帆度水微佳節逢秋人醉
賞他鄉對景客思歸愧無清味追前輩賸有黃花映
夕暉此日明年懷此地山僧不惜爲留衣

孫仁齊山秋晚次杜韻

洞口寒雲濕不飛峯頭月落曙光微遼遼鴈陣連沙
起隱隱漁燈隔岸歸野菊吐金留夕露林楓翻錦炫
朝暉幾回攜酒登高處空翠溟濛欲濕衣

馮蘭七夕遊齊山次杜韻

健步秋崖疾似飛青林白石路依微閒雲何意從龍
出老衲多年伴鶴歸詩卷東南留盛事江流今古送
斜暉不妨晚到池陽郡露冕溪頭月上衣

次雲巖聯句

形自宇宙成盤礴妙神化一柱斗以南羣岳風斯下

龍山合避驅鴈蕩敢爭亞巨水錦幃圖危梁白虹駕
雄藩據西奠大江自東瀉俯視五老尊近辱九華姪
有松不受封無壁亦增價千峯列劔矛萬籟奏韶夏
潭雨蚪欲奮崖風虎能跨杜牧海內詩王維意中畫
雲霞互吞吐陰陽錯朝夜鶴瘦因茹芝僧貧却躬稼
今古遺岳題風塵悲宋禡山靈竟被污檜罪可終赦
誰懷薄昊天我跡慙泰華賢哉五柳陶邈矣東山謝
踈慵分獨安楫拙時共舍浮名即贅疣晚景真啖蔗
江湖著處行塵土坐來卸追遊良自今夢想實非乍
醉翁乃清流簿書苦無暇老衲頗好事香茗得相迓

借榻情固真絕酒性匪假朗吟山鬼愁大笑野猿詫
覽秀歷秋磴投清覓寒罅意遠懷古鳳興盡發長喏
夕陽在林莽僕夫候高榭重來定何時老氣尚堪藉

宗彞秋日與周尚文同遊齊山

荒亭雲畔枕孤山野色微茫悵望間亂石淺灘魚網
集疎林古砌杖藜還江湖誰子尋詩味天地兩人開
醉顏落日馬頭芳草路盡情野鳥韻間關

楊季芳齊山次杜韻

颯颯西風葉正飛九華山色望中微細鐫白石留題
去亂插黃花拚醉歸佳節人間宜九日輕陰天氣未

斜暉十年一劍知何用欲剪紅雲製舞衣

○ 章瑩齊山次杜韻

幽亭高構拂雲飛拽杖行來一徑微敲琢新詩因坐
久留連勝境竟忘歸渡江白鴈涵秋影繞檻黃花傲
晚暉眺罷不堪回首處滿江風露濕人衣

胡昱九日登高次杜韻

佳期出郭馬如飛直上層巒瞰翠微座上莫辭桑落
醉行邊齊唱竹枝歸遠山突兀凝秋色古樹槎牙逗
夕暉景物滿前觀不盡何勝雲氣濕征衣

章璧齊山

杜老詩才隘九

向此中遊羣峯列翠浮青

霽一水涵空泛白鷗石上莓苔深雨露檻前花木自
春秋百年興廢成何事暮雨疎鍾送客愁

康敬齊山

攬勝尋幽強上山捫蘿躡磴謾追攀人遊圖畫丹青
裏亭在煙霄紫翠間鴻鴈拖雲天渺渺鷓鴣啼雨竹
斑斑題詩杜牧今何在千載高風挽不還

李宗泗夏日遊齊山

為遊炎歊覓遠公翠微深處借清風尋詩人坐壺天
小入定僧回斗帳空齧背山高推月上羊腸路細掃

雲通攜琴石上調雙鶴一片梅花落夜中

袁孟愷齊山次杜韻

殘葉蕭蕭滿路飛登高漸覺日光微
間尋左史賡詩飲不學參軍落帽歸
浥露_言化_八令節酣霜紅樹帶
斜暉酒闌興盡歡無極漫向高岡一振衣

祁司負齊山次杜韻

爲愛高亭上似飛山光水色共霏微
蕭蕭紅葉眼前墜杳杳征鴻天外歸
佳句堪傳惟杜牧曠懷欲託有
玄暉登臨更覺仙風動兩腋天香香滿衣

羅鳳齊山

性癖耽山水來尋小洞天清溪通徑路
秋浦隔雲煙曠野平如砥長堤直似弦
陂陀從陟降蘿葛恣攀緣勝槩圖經載
靈蹤父老傳名因刺史姓詩播牧之篇
深窈窮巖洞瑋琮聽澗泉瑞芝乘氣出
甘菊待時妍俟鴈排雲叫遲龍抱雨旋
招搖黃鶴下浩蕩白鷗眠峯峻狂飈迅
江空倒影懸奇凌三島石雄抗九華蓮
古刹留香火殘碑記歲年翠微荒蘚合
華蓋亂藤穿木落柯碎葉亭傾礎藉椽
底須驚浪跡未擬學逃禪往事頻懷哲
浮生敢企仙侍中心獨苦別駕志彌堅
仰止神如在登臨意已便振衣發長笑
斜日滿前川

○何文邦齊山

幽芳堪藉過重茵久雨初晴百可人
圖畫不如山色古語音相似鳥聲
新地因絕勝多招客天本無私早
放春巖洞翠微都一覽不知何處有紅塵

胡纘宗齊山

齊山遙在白雲隈舊院新亭次第開
縱使攜壺供酌酌亦須穿竹上崔嵬
數峯似筆疑神鑿亂石如花爲客堆
步步有詩題不盡又從細路踏莎回

十月八日菊正開翠微高處有仙臺
六亭半在石中起兩路都從洞口來
忽道將軍遙護蹕驚看客子共停盃
邊州不似皇州暖風滿長空沙滿堆

曹軒齊山次杜韻

老我清狂思欲飛乾坤落落望中微
菊花不敢先秋放鷗鳥何須待倦歸
特憶牧之登勝地翻憐白也對殘暉
古今陳迹知多少爲借岡頭一振衣

汪珊齊山次杜韻

倦足支筇興自飛蒼蒼野色望中微
湖邊碧樹鳥初墮巖下白雲僧未歸
古洞斷碑陳勝蹟小舟孤櫂漾斜暉
林童莫放南山調感慨人欲振衣

郭汝湜齊山

好風吹我上齊山偷得忙中半日間亭七八區圖書
裏梅三四樹碧雲間昔人遺跡空千載今我蒸砂未
九還拂拭斷碑增感慨遙聞幽鳥語關關

田賦遊齊山

百年黃鶴崔生句九日齊山杜牧詩感慨晦翁留詠
後乾坤景色恐無詞

別齊山次杜韻

底事山禽歷亂飛使君宦味已依微相逢盡喜遷官

去何日真成拂袖歸九曲溪頭憐舊隱

自注余舊以疾歸常結廬

九曲以為歸隱地

五亭巖畔自清暉

自注齊山余近構五亭適成而余去

南來

此去空雙足不及山中一布衣

俞振強齊山

齊山秀萃大江干攬轡時來作勝觀巖骨峻增天幻
巧洞門空闊暑生寒小亭路狹穿崖入古勒屏高抹
蘚看尋遍此中無限景誰知天樂在雲端

劉岐齊山記

近名山而遊者陟之賦之觴之止矣葺一居設一勝
又止矣有于齊而剖其疑者乎有于齊而補其缺者
乎李太白秋浦歌秋浦千重嶺水車嶺最奇或以水
車當陽春似矣郭功甫詩又曰萬丈水車嶺夫陽春

未可萬丈也然牧之南亭詩曰二嶺桃花紅錦黥則不獨一陽春嶺矣以太白久于秋浦遊江祖遊白筍遊桃波遊大樓遊蝦湖道必出齊山齊山湖前曰平天坂大白歌已及之未有只尺翠微而不加眺詠者水車之爲陽春似足信耳楊廷秀詩曰摘仙狂飲顛吟寺小杜倡情醉上樓齊山之經太白豈非確據哉或以蘇子瞻遊清溪而不遊齊山爲惑按清溪詞曰望翠微兮古招提非齊山寺而何或以沈叡達謫池州卜居齊山曰雲巢今不知古屋所在以形勝揣之其近書院乎蓋延慶寺在前舍書院無平行地

義甫齊山寺詩曰飛甍仍在最高巔則山椒之有屠蘇可知今延慶之址漸入原隰難云最高也又曰太子池塘煙漫漫池郡自昭明而外別無太子故實今齊山之池塘何有乎齊山湖之前有平天湖朱子九日登天湖用杜牧齊山登高分韻人固以爲平天但于登字非宜然其句全用杜語又朱子別賦水調歌頭亦然安得謂非齊山乎張敬夫登齊山曰憶行西湖岸亦復多嶽峯頗恨人力勝刻畫時見侵誰知醜石面乃亦變孔壬何如榛莽間屹立長森森天然抱幽獨妙質逢賞音此直以齊山勝西湖矣南軒之意

感歎臨安痛心朝士借西湖以寓其刺譏然雕績多
而天然少亦武林之實錄乎謂齊山爲幽獨亦指其
僻處江澨而言埒視西湖欣賞不謬讀詩而不以意
逆可乎人言齊山之草不宜芻牧故本朝于池州不
設衛所果爾則齊山翠微寨馬軍寨何以稱焉此皆
齊志之疑也貴池立州治始於刺史李芄芄刻齊山
記於有待巖巖不可考而殘文之傳者無能表章其
失一李方玄刺池搜剔齊山之勝池人知有齊映杜
牧而不知有方玄其失二紫微刺池齊山客也張承
吉張喬齊山主人也和登高韻者不勝數和南亭僧

者未之前聞忘其主人其失三岳忠武駐節廬
往來岳鄂中興收復數莅池州又刻石蒼玉之間
而齊山不爲特祠其失四政和中張先生修長生術
結廬齊山尸解去而志不載其丹房其失五張安國
詩曰水石嵌空二百巖今名于志者巖僅十有一其
失六蘇元鼎詩曰巖根堆鴈塔當日若有浮圖又曰
碑珉黃閣相齊映若有詞章今並末從辨證其失七
楊廷秀詩曰樓臺玉殿雲中見紺宇之感彷彿可徵
今臺榭俱蕪其失八陳鴻斷碣林繹之題名卦著二
刻邈不可得見其失九池口陳應台敬宗黃瀾伯觀

讀書翠微未留唱和其失十山有泉有井不共疏濬
之其失十一此皆齊志之缺也岐生長于茲年踰六
十時時策杖齊山莫敢決其疑亦莫能縫其缺記以
質焉嘉靖丁巳七月

同胡東莊登齊山次杜韻

燕外晴絲斷復飛馬頭山色轉霏微江天一覽懷無
限花柳滿川春未歸石鼓敲醒塵外夢玉峯高挂晚
來暉凌空一笑掀髯去却悔當年誤換衣

侯緘陪姚蒙齋遊齊山次杜韻

清霜迸地紫霞飛載酒凌寒上翠微巖畔忽來雙鶴
舞林間遙見一僧歸江天憂國連紅樹山色宜人無
晚暉清世可堪開笑口不妨題詠洗苔衣

聞人詮齊山次杜韻

春深無處不花枝春鳥嚶嚶轉翠微童冠喜同沂水
樂林泉何必舞雲歸江空浪暖魚龍變山靜風和莫
木暉謾入妙空探古洞石根餘潤濕羅衣

馮恩齊山

耽山意興已成癖未見有山如此生天作崆峒如石
室神排階級第雲程巖空石鼓鳴天籟山老寒泉滴
大羹何處仙人來獨步至今足跡尚分明

行臺鎮日苦無賴上上齊山暢我情石壁有詩題杜
牧菊花無主弔淵明洞深雲冷仙棲穩峯列松團客
興清直向大觀亭上望江淮北去是燕京

余弒齊山次杜韻

青山不動碧雲飛上界樓臺樹影微病鶴忽傾松露
下野僧時伴水雲歸杜公詩後無豪句趙氏墳前幾
夕暉借得兩齋禪榻坐靜看苔色上人衣

錢籍遊齊山次杜韻

征帆如雲夾日飛曉日青冥動太微地主開樽能選
勝山人放酌欲忘歸三十二奇皆實徑百千萬變出
朝暉最高亭子在何處我欲凌風一振衣

袁袞遊九華齊山記

文節

自安慶趨池陽二十里外即望見九華諸峯甚奇麗
五月朔抵池太守柯君光仲郡推雷君時雍招遊齊
山出九華門外緣翠微隄南行三里爲齊山多奇石
巖壑秀美觀集仙洞招隱巖小九華轉上清巖山之
最奇處也讀杜樊川九日詩刻及朱考亭和篇南下
三奇亭石鼓洞妙空巖仙人橋爲三奇飲亭中一鼓

還明日再遊

嘉靖癸卯

張寰遊九華齊山記

文節

乙丑達池州丙寅故李方伯恭川邀登山山傍城

隅巖洞多奇亭榭一一可憩非復峻陟遐登可少謝

躋攀之勞矣

嘉靖乙丑

唐樞遊齊山錄

池州府通遠門外度湖堤五里入齊山山高不踰三十仞秀石峯衍布以千計參差上下圓銳翔伏疏密竅突中巖洞種種異狀不下百數其尤著名有蒼玉龍門峽集仙石鼓朝天圓頂九頂無極蓮子獅子華蓋石燕響板臥龍石虎玉桂左史羅漢虎嘯洞竇雲唐公招隱寄隱上清三奇壽字蕉筆妙空弄水巖小

九華峯仙人橋石徑石窟白雲...忠節祠山起三岫諸勝環集山畔尚有二山亦羣石滿被稍麤頑以理造物信不齊以勢涇渭自相形

慎蒙遊齊山記

予觀風至青陽遙瞻九華之勝欲往登之適霧靄濛濛翳恐兩僅至玩華亭望焉如有所跂暨池守黃君候予於亭予因問曰此青陽山之勝也池亦有名山若此者乎黃君應之曰池去府五里外有所謂齊山雖橫亘雄偉或所不及而奇巧天成亦昔人所謂奧如者也予曰非昔唐杜牧之所曾遊覽者乎黃守曰然

頃之道經此山之下望之烏石纍纍厥形如釜未見所謂奇也時林君三泉以徵負亦按池晚來顧予予因談及九華之勝三泉子曰予知九華之勝而不知齊山之爲奇何也夫九華可玩而不可登齊山可登而不可玩昔人有是言矣明日試與子登之適予初至以有政弗暇越二日乃九月之三日也邀予登焉時日方午相與屏導肩輿而南遂入齊山寺始登玩月樓讀郡人張侍御所爲記稍折而東寺僧引觀仙人跡歷雲梯穿石竇頗涉險隘相與捫蘿緣壁竄而上升翠微亭則林木蔽翳禽鳥飛鳴迴視下只

若隔塵世矣俄臨九頂洞品一人泉又百步許陟小九華則羣石森立高下參差其數相埒宛若九華之勝故以名焉少憩振衣直上南望天門石耳諸山歷歷在目已而由招隱巖南下越上清巖中有石頗窪下不可竟陟乃先令一人下立手援而登其巖以草醫葦塞隨命輿人拔而去之石骨立見如椅形然巖之右曰經壽字巖度石梁則兩崖劃立高可千尺上有泉其聲淅淅然瀉出于草間以手盛之漱齒滌頰仰視宋張時修所刻壽字不爽毫髮須臾轉蕉筆巖抵石鼓洞乃命二樂工持笙管復命一人擊石可協

以成聲最後至三奇亭則樽俎已列於亭矣予因問
林君亭何以得名曰即石鼓洞仙人橋妙空巖者是
也酒酣宴罷興盡欲返三泉子曰去此山折而東百
步許山之北有華蓋洞盍往觀焉乃攜榼入洞中洞
形九折由大而漸以小如螺尾然今之華蓋殿即此
製也光瑩曲折縱使班輸呈巧亦不過是自洞而右
有一徑可通長十餘丈如入暗室令隸人前導而行
少頃有一穴又通天日下照有光又折而西有一亭
逼近貴池傾圯不可支矣予欲命工葺之因問三泉
子曰是亭何名林君曰湖水連江湖光掩映以見湖
亭名之不亦可乎予曰得之矣遂乘輿而返時秋風
浙瀝北鴈南翔回望長江水天一色因憶杜牧之九
日登山之句所謂江涵秋影鴈初飛此其時乎而牧
之當時亦以殿中侍御史刺史池州事適相類遂相
與歌而和之林子顧予曰世嘗稱古今人不相及而
時事所遭有如此者因拊髀興歎予曰昔唐中季倣
亂日滋牧之以剛直之氣論列藩鎮朝廷不能用以
致怏怏二十餘年卒召炊甑之裂我與子生於太平
全盛之世得以享宴遊之樂者非君上之賜乎是故
升高以暢其神眺遠以觀民俗此范公憂國憂民之

感所由興也。況後之視今，亦猶今之視昔數百年之
後。有至是者，又焉知不以我輩之遊如吾今日。慕牧
之者邪？則茲集信非偶然矣。昔人謂身後名一杯酒
不知孰優孰劣，良有以也。又何用臨風興悼也哉？於
是以予之觴觴林子并書之。貽山僧勒名以詔後之
來遊者。三泉名騰蛟聞之延人云

又登齊山次杜韻

萬峯深處白雲飛，極目空江島嶼微。靈脈遠分衡岳
秀，澄流總向洞庭歸。觀風感慨悲陳迹，駐馬登臨戀
夕暉。攬轡獨憐無寸補，塵埃祇自愧荷衣。

吳子玉遊齊山記

是時使君馮公已發卒治齊山，則謂吳生爲一曙遊
稟食爾耦也。乃自城南近隄柳間行四里，及到見山
迫臨莊，適如覆盂，高不三十仞，可雅步。委陀陟也。居
人言山趾故翫月樓，樓圯使君就其地，令士人講業
則作齊山書院饗會，則作又來堂。觀氣氛乃作得得
樓，以次增繕矣。又來者使君以一再至命名，得得尋
芳爲宋岳武穆詩鑄石當樓之後，使君每誦而悲壯
之，揭之樓也。登樓西睇珠兒山，閃爍湖中如洞光之
珠，而齊山低亘於後，如瓊蚌晞曜以瑩珠狀。直洞宮

矣樓後攝然登高磴稍右曰齊山寺寺左行二十步
高磴兩石夾而虛上合而中穿四丈許是曰蒼玉峽
峽之傍羣石亂起如覆敦者無慮數十磊磊魁父奇
甚峽三折而盡得圓頂洞山故多巖洞勢皆低伏入
巖洞者弭躬而下以是山不嶮嶢而遊者任蹻步趾
蹈多作巖洞頂上行如從莊里著屐矣峽左路傍見
大人跡如右足置入者可與華山之跡比視臨洮之
交不及參分跡之二疑達磨提隻屨一足徒跣踉蹌
誠然鑿石爲級級盡灑迤而上有翠微亭取唐杜刺
史牧詩也及下行數步曰九頂洞入洞中如一夫覆
釜者一釜底凹而小覆釜者九圓淨如佛頭臚句贅
指天入石迹然題詮者謂足如淮南登山有仙跡至
頂不言仙何也按志一名曰集仙洞若謂羣仙頂迹
者壁上文辭剝不可句洞口得一穴穿入黝然暗色
日射之有竅漏光穿裏壁一竇高三尺病瘻入得一
小洞泉涓涓滴瀝巨靈設之給一人飲洞絕復行上
呂鉅循山之北抵麓聞有蓮子洞下尋不可得趾有
蓮花池亦在草間矣麓窮復繞而上至山脊東數百
步闐然羣石簇起似檣似楹似柝似楹似柝擁腫者
挺立者高不過三四尺許然百狀賅在所稱小九華

峯也前有亭扁曰齊華使君守池時所題而南望大九華檀婆諸山信如丈人峯老嫗石而小九華森拱貌肖焉繞下二百步為漫巖東三十步為唐公巖漫故宋漫士鮑延祖而公不知夫孰也說者謂二巖下相通且謂一山下皆空洞乃知山之根無所連著爾從唐公北繞上見兩石闔室竇雲竇名竇雲巖如流旁握御擊者不得入陟巖之後得一石鐫紫微臺三字傳以為牧之故舍人也余謂不然所以本清都紫微之義旨矣於是覓二隱巖有幽徑過招隱歌叢桂之篇並歌並行不五步即寄隱巖坐亭上觀石壁包

龍圖拯齊山八分書稍東一泉曰濯纓相與頽焉東下百步遂至上清巖之阿又曰觀音巖石壁週遮而穹窿中一崖垂出如金容壁立令便捷者兩人左右手接以陟不至如緩眩悛而汗出然後稱中天懸居矣下行二十步餘有壽字巖從者云並東行計步不及十有蕉筆巖宋張公以敗蕉書石壁人因名之洞深仞餘外圓竅如甌甑口跼蹐而入內容百指令尋甌甑之口不可得遂南下數步一石絙如梁三尺許闊不能尺莖置足越橋而東仄入洞中懸一半石類石樓之神鉦擊之作雅鼓聲左下得妙空巖時忽雨

從巖中聽作大法鼓雜以管絃如迦陵仙音從妙香
雨中下也巖斗辟深不可下下若碩虛中鬼窟嵌空
目眩不能得視遂觴於三奇之亭亭轄巖橋洞三者
以名稍霽並亭而西二百餘步謁祠院前棹楔題曰
繡春書院祠祀宋周子等時同遊者池丁明經旦肄
業院中謂取道寄隱巖乃徑遂北至大觀亭一覽郡
城清溪大江之勝在煙靄中揮斥八極矣東優謠行
得一石高丈許如菡萏將部發狀睇龍川峽歎砥柱
之限不復至至醒翁巖觀三及泉三及者三級頽之
也初所從來者高如傾瀑布中如盆注下灑蘆葦中
以縱覆釜石至石虎洞下漱之若神瀣焉翁其聽泉
而醒者矣丁明經云東其山之尻則華蓋史巖諸勝
俱在不及至茲遊也偕丁明經句吳莫山人叔明而
使君盛清道之儀不果行遊訖子玉復於使君曰所
謂山谷不躡其步者矣不昇筍輿代乎足不敷杖蹙
之乎頤而無恟目之騁愉快哉此所遊已百住面不
止可也使君曰譖余今之來也四載而後有事於茲
山生之遊單矣而固且道與山故未有記者屬記之
使君為徽寧六郡兵臬使者署在池郡之北名浙
之四明人

重遊齊山記

作齊山遊之十日使君以未舉約也攜吳生俱而丁明經業已籍苻使君乃戒諸輿從母隨寺後一磴故觀音閣址左觀音巖從閣址左折三十步一峽在蒼玉峽之上視蒼玉寬而上通者左響板洞又左響鼓台而峽未見山書使君曰左有板有鼓而下有蒼玉不爲玉簫峽乎題三字而命酒醒之三巵執管者吹峽中泠然洞簫仙吹而東山飛鳳崖如千自舞矣過繡春書院觀老人坐石如几觀一勺泉橫汙也由翠微亭登老翠微亭址四望無礙至大觀亭僧云去華

洞可里餘乃經二隱巖東計二百餘步忽亂

作下狀夾徑得二石右如奠龜楚燔置於燠

如蒲駒使君乃以玄武驤百題之二石右數十步

一石廣縱方丈懸容一小石上如麟之拇又以麟

之麟信而應禮以足至者也而所謂飛鳳崖者亦

於右折而東過一山回望所經之石立者伏者皆

獸也適一白犢臥羣石間使君嘻曰初以爲寢石俄

起行過石乃知犢耳遂過十山石骨鱗鱗峭起伏而

長如應龍之斂翼臥曰龍眠岡前爲羅漢洞有石柱

豎峽中曰石柱厓右折數十步四障皆阿爲見湖亭

右爲華蓋菴又折而西傍南二十步洞尾也闊不及
丈而屈曲長約十丈餘命僧人火燎入或一編管或
一秉秆火稍遠則冥冥蔽其月不能躡步以火燭洞
頂陷數處結如蓮花尺許大者五口揚惠之塑佛
壁蓮花然洞如委巷巷盡開一大洞寬四丈高約十
丈漸高漸窩如一大芝蓋左倚一洞曰無底洞黝然
莫測左壁鐫華蓋洞三字剝矣宋右鄰史定之書
知何所人使君曰吾郡有鄰邑邑有史姓故鄉先志
丁生曰距史公五百年矣而使君至又鄉人也土
蓋二里許有史巖遊者罕至蓋爲鄉人鄭重之洞

中坐可挾纊時四月二十五日也遂出右行百步
洞深邃未及下而洞口一石如虎踞曰虎嘯洞東
石眼泉至一大阪阪窮左一洞命籍苒而行外壁
鐫左史洞三字左史爲唐州守李芄也洞長三十丈
間計丈上開二竅下底開一竅通化成窩窩如瓜瓠
城一周也阪故山樓址使君坐阪上題芝石令二
三生前探中使君望之以爲山連緼無窟也忽生
等以漸而低初不見足俄不見腰脊漸不見脰並幘
沒矣沒前人情繼沒後人衣縕併從者俱以漸失之
久之乃露幘漸高如從地中出也吳生復於使君曰

平出中窅開一巖巖斗下者背著山蛇到行下巖石懸覆出三尺在外如幄而壁鑿龕深五寸闊六尺藏碑計以石積高鑄固也而碑猶斷毀併毀者失之獨下石闕在左一石如槃臺可容數人跌坐右一洞闊五尺穿入屈曲十餘丈轉入轉黑丁生故雅遊前導後人聽前人跫音聲呼相應而入忽轉一穿僅容置足數丈乃出蝙蝠棲者計千數疑於乳窟聞跫音則飛隱隱如雷轟焉所稱石燕洞也丁生云過此則山之尾絕而復起起者土岡矣

萬亨齊山次杜韻

嵐氣初消翠欲飛肩輿停處晚風微藤懸峭壁玄猿挂松落花香白鶴歸石鼓有聲留逸響洞雲無主臥斜暉分明勝槩何人語空與山僧曬衲衣

鄒守益登齊山次杜韻

九華軒臥六花飛又踏江堧訪翠微怪石盡從玄圃出洞簫疑是列仙歸舉杯共醉邀新月秉燭何妨續落暉千里清遊真一快緇塵不染芰荷衣

張峯癸丑春日遊齊山次杜韻

明媚郊原社燕飛輕煙細草晚風微行穿竅石泉疑漏坐憶孤雲鳥倦歸竹葉多情憐白髮山花故意弄

晴暉逢春作伴堪尋樂肯爲浮雲嬾拂衣

徐紳夜登齊山

海月江風入素秋夜深相伴採真遊山懸白玉鏡中影人在水晶宮上頭萬里孤舟翻雪浪一聲長嘯落滄州魚龍猿鶴齊驤首喚起青天今古愁

汪道昆遊齊山

崔嵬積石控江湖冉冉雲生擁舊都結蜃祇應通絕島斷鰲或恐失方壺迴風座上秋先入落日尊前興不孤自是使君兼吏隱山靈未擬避潛夫

徐中行九日登齊山

路轉仙源日月開江山迴合見樓臺千崖落木悲風下一片歸帆返照來寒雨黃花看岸幘高天鴻鴈對銜杯狂歌我亦龍山客能賦何如杜牧才

張嘉胤登齊山同余內齋憲長章柱峯少參

短筇山徑晚相扶天地煙光雨後鋪異代風流齊著屐他鄉朋舊好提壺峯青未了江南北龍去還疑洞有無興到不須愁落日長湖雙起夜明珠

吳國倫劉使君趙司理招遊齊山

長隄高柳界湖光一片齊山駐夕陽霞巖芙蓉千石紫雨滋苔蘚六亭蒼靈湫穩藉蛟龍臥陰洞斜穿虎

豹藏天爲使君留勝蹟邀賓隨處著壺觴
峰陰迴合萬蓮開幻作中天積翠臺遠郭煙光秋浦
散隔江雲影皖山來何年煮石留仙蹟暇日登高見
賦才簫鼓隆隆出幽壑對君那惜倒深杯

童思善同劉太守遊齊山

頻年天路憶驂騑詎謂名山此並遊蕙帶豈應陪赤
紱塵蹤恍已躋丹丘酒杯入手雨侵席雲氣生衣風
滿樓殘照不堪窮勝覽夜來旅夢更冥搜

雨後青山絕點塵巖光嵐彩翠初勻林亭對酒秋風
近洞壑看雲爽氣新水浴芙蓉常有色石蹲虎豹不
驚人不因五馬尋仙境縱逐桃花那問津

張程同劉使君遊齊山

天工繡出玉芙蓉迴合千巒翠色重巖際側身穿虎
豹峯前飛鴈度魚龍杯隨徒倚亭長短逕入逶迤雨
淡濃不是同心能好客山靈那許寄塵蹤

趙世顯密都之郡長邀同吳明可座主遊齊山和韻

數里長堤背郭紆沿隄高柳映菰蒲一泓野水浮青
嶂幾處人家住綠蕪洞口煙光俄聚散雲邊山色入
虛無誰知杜牧留題後作賦重逢楚大夫

○單少淮郡丞招同王鼇磯司理遊齊山

萬峯晴色照池陽百丈丹梯入上方雨後諸亭皆蘚
碧春深無處不花香江吞西北風濤壯地瞰東南天
漢長落日更移山屐往翠微深處勸飛觴

○余敬中夏日與袁臬憲飲齊山時平皖賊後再疊

杜韻

亭頰湖心屬玉飛望中島嶼帶煙微環山峭石千林
出遠浦輕舸一葉歸景勝底須尋舊迹時平莫負對
清暉杯行河朔素公在那得炎侵白苧衣

○丁旦登齊山次杜韻述懷

白雲來去遶山飛風捲從龍過雨微陣鴈驚寒秋欲
老流魚思暖海爲歸松盤絕巘撐晴日菊綻東籬弄
晚暉得意文章滿天地點頭何必問朱衣

○陳英齊山次杜韻

躡屐齊山思欲飛蒼崖翠壁晚煙微皇都望斷千峯
出秋浦涵空萬壑歸巖起龍門披宿霧洞敲石鼓斂
斜暉雄談不盡杯中興滿座春風襲我衣

○駱駘曾登齊山

一縷江城勢欲孤澄湖萬頃控名都遙連九子雲來
往幻出三山地有無幽洞仄穿頻捫壁危亭斜倚半

臨湖偶來不用題名姓山自齊名古大夫

黃流芳夏日同韓孝廉吳明府遊齊山

萬峯雲色護浮圖一片齊山望欲無入夏巖阿春尚
繡倚天樓角雨還孤填橋驅石留仙子作賦登高愧
大夫莫遣流觥虛擊鉢客心容易在江湖

湯顯祖齊山秋眺

相國風流出刺年池陽幽色在南偏煙華欲暗蒼龍
峽石筍長飛白玉泉洞壑芊綿還自出亭臺蕭瑟向
誰懸不堪遊子登臨意長帶秋江鴈影旋

曹學佺遊齊山是杜牧登高處

訪古我居後登高時在前山光兩湖裏秋色九華邊
桂樹將飛霰松枝乍宿煙江流去不息日盡東南天

胡永順齊山

兩堤楊柳鬪晴嵐山向湖邊做石龕變幻全疑經鬼
斧幽玄應想接龍潭莓苔珍重封蒼玉蹤跡分明到
老畊太史題巖佳致遠莫辭披棘一窮探

姚希孟遊齊山得飛字

雨餘泥潤馬蹄肥花點輕袍濕不飛閣筆詩敲春思
苦頻籌酒洗客情微迷雲徒倚綠樵徑愛水留連藉
釣磯畫角數聲花外晚山公倒著接籬歸

鍾惺遊齊山

百里叩九華齊山未寓目歲暮懷冥逝積陰忽晴燠
十步識山面二里躡崖足裁形准石隙避就費紆曲
戚施忽篠簾支離頂踵感蹈虛慮危墮踐實防罍觸
步疲手倦扶日中至朝旭不知行 里黃緣窮往復
出洞睇故徑相去曾幾躅隧中靈威行峯頂長客宿
總此一齊山中外異延促

王思任遊齊山記

齊山在秋浦之東伺而不愿外視之朴然木釜也而
腹中彫伶灣宛有令人叵測者予數走秋浦每忽易

之錢仲美

楨

守池王伯允

言納

李焉輒誇我而強之遊

從大觀樓發足歷千柳堤不二三里而樂其下曷爲
乎齊也唐刺史齊映好此山也山曷以勝也因杜牧
之高詠而勝也山故多洞而最奇者爲潛蚪天根已
絕忽有日來不爐不扇辟穀此間與猿蝠共老亦有
靜者之趣矣至半巖洞則泉帶雲香幽生衣骨一丘
一壑不須買隱而高明往來者第以歎償之而已矣
南亭已廢至翠微亭則千嵐萬頃障列碁分伯允命
鼓吹闕于巖洞中從風引出恍如隔世鈞天數與仲
美角諧然彼衆我寡記得醉中苦山行之頓欲假仲

美餘皇而又虞大江之險仲美曰子恐錯斲乎事止
一次不得改正茹其毒矣轟笑而別然此亦解語不
欲泯之併記於此時萬曆辛丑之春也

余翹同兩兄遊齊山

三月豔春輝招尋上翠微山空雲共靜花落鳥同飛
入洞煙生履看碑瀑濺衣千崖殘日下游客未言歸
坐便開尊賞行仍荷鐫隨雲邊穿一徑花裏見三奇
野鳥窺歌管飛流送酒卮隔林鍾磬落又共訪招提

羅憲凱齊山

何處齊山路垂楊五里陰峻嶒開石壁迤邐瞰江潏
拄笏諸峯出流雲衆壑深乘春風日好蠟屐乍追尋
負郭標奇勝登臨遠俗塵碑殘遺鳥跡松偃盡龍鱗
古寺僧藏寂幽亭客到親中巖隨晏息蒼翠正宜人
步出丹梯迴捫蘿四望低山如姑射界浦似武陵溪
獨鳥雲邊下羣鷗沙際迷采真吾未得若箇會招提
夙有煙霞癖來遊此地偏會心真不遠遊目並堪憐
碧斲峯頭玉青迷洞口天留連歸去晚吾意挾飛仙

張茂梧登齊山

君不見長江浩蕩波濤今古無盡時千山萬山萃
嶽映帶江之渚吐吞靈氣神鼇頂九華如黛齊山之爲

之齊山名起賢人氏當年刺史每窮奇芙蓉削壁摩
霄漢天梯石棧何險巖仙橋石鼓神仙窟春花繡嶺
春山姿山鳥啼煙瑤草碧長松翠巘萬年枝綠崖穿
竇恣探討石溜涓涓潤石芝下視洞壑豁豁不可測
蔽虧日月藏龍螭一朝龍氣騰雲赤諸峯變幻雲離
披夏雲秋月滿蘿薜日月山亭泛酒卮杳靄鍾聲到
翠微天花五色亂紛飛山亭一上一回首西方金粟
漫皈依山前山後皆靈勝白雲秋色鎖僧扉極目清
溪出池口雙堤柳岸迴漁磯賦詩登眺唐兩公政成
千古美高風金地藏王駐錫尋九子儒風佛日開後
名山更不同乾坤我亦風塵吏振衣每上最高峯最
高峯堪徒倚呼杯長嘯公暇爾酒酣落筆衆山紫剝
落莓苔到處摩先後留題誰可擬爲政風流能有幾

顧元鏡登齊山次杜韻

波光拂檻白鷗飛載酒相邀上翠微怪石乍驚山鬼
沸間雲時伴老僧歸高歌白雪憐同調漫引清尊送
夕暉公事可容塵外了何須更製薜蘿衣

何執宗齊山次杜韻

落霞孤鷺傷山飛興盡登臨酒力微愛石手颺先下
拜說經頭點自忘歸杯連晴浦浮秋色扇引清風送

夕暉游到夜分身帶露尚疑空翠濕行衣
林日煇重陽後八日張明府招同潘鍾二丈遊齊

山次杜韻

秋色瀟瀟夾鴈飛涵空江影望中微自從賢守知名
後不數高人訪勝歸眺望三奇尋古蹟回看萬井靄
晴暉登臨盡說龍山事誰念幽風已授衣

林古度遊齊山

齊山形勝向來聞今日尋遊意自勤落月殘星成獨
往懸崖深洞各區分名更九鼎如供奉圖臥千秋擬
少文却歎翠微亭不見惟教坐石與梯雲

冒起宗望齊山

帆開千嶂碧天空一片齊山夕照中忽漫登臨懷杜
牧夢魂飛入翠微叢

黃道周初入九華阻雨同丁介之泛舸池山

自注即齊

山子
易名

雨道何曾礙短策長堤畫舸試從容湖光不怪人寂
寞坐摘千峯浸暮鍾

青蓮游處鰕魚肥丞相汀頭白鷺飛近信蓬瀛能解
蛻鬢鬢蒼骨望荷衣

翠釜芝盤百步移引人著勝久支離空山搗米成岳

瀆猶是天公年少時

百鳥銜花半上臺
乖龍縮項鎖枯雷
不知擲杖盤空者
何處談經敢復來

玲瓏最是小橫岑
九子居然坐據吟
不是華山親寫影
安知奇快在中心

告辭齊山

告辭十八翁七
十二首之四

蒼崖多靈姿
今爲世所寶
蘭膏多自焚
玩物不得老
與爾數分攜
崖谷遂遷變
青蓮配白日
九子失背面
明月鑒新詩
孤舟泛秋浦
大隄征馬嘶
半出綠楊樹
吳楚日已波
那得有佳處
江流不肯回
牽船挂天柱

吳應箕初夏齊山示王子兄弟

百注王心
春心介

茲山託梓里
相期可白首
浪遊古宣州
念茲若良友
懷深忽言旋
挈侶修朋酒
輕颺散鬱埃
朝爽傾新柳
背郭信委紆
推華壘培樓
下藉湖波盈
沆瀣空靈藪
捫磴歷亭際
洞壑勢如誘
移瞬變雲巒
觸趾列戶牖
何境不相習
一來一領受
舊乘紀泉巖
大小九十九
靈跡半夷淹
窮情莫能剖
造化示明滅
山川幻無有
味者遵所聞
日與躋攀狃
嗟我亦耽奇
眺矚良不偶
流連片石間
對之嘯咏久
譬彼賞駿人
意在略牝牡
吾子許掾徒
相與重攜手
逖覽極蒼茫
蕩滌縹緲纓
否

劉城人日齊山

人日喜非陰春苔愛屐侵山光初試暖洞乳未成深
狡獪巖生影夷猶我動吟間看題壁句屢和總秋砧
春日憶齊山用黃漳浦辭齊山韻

山亦載榮名微軀豈爲寶秀骨挾靈心閱世殆已老
南巖固磊砢北壑尤奇變至今春遊人得山只半面
樊川泥齊山青蓮湛秋浦山亦有湖光澄波侵疏樹
五載失摩挲翠微無覓處隱几意行時龍門上砥柱
胡虔支春日遊齊山

泉石痼膏肓煙霞役杖屨名山與畸人夢寐喜奔赴

茲山表江南昔賢盛留句憶往曾一登草草了指顧
深事境間勝侶約緩步川原旣曠紆巒壑亦參互
上靈劈崑丘遍山鋪蒼瑤削成不一姿直望迷花霧
伏復怒撐豁卻森吞吐盤亘達其巔目界迴非故
盈江光礧砢若澗注洞罅每分天琴刁謾然度
慧智生測幽脈氣聚小憩華蓋蒼隨意觴蔬素
徒煩襟適已自怡趣僕夫告言旋斜曦尚高樹
我所決策往秀寨九子蓮齊山在几案而可罷登焉
連隄色豁爽瞻巘神翬騫胎山惟一石剗琢自何年
幻變錯文質礧礧砢砢然石壁嶙峋列石房窈窕穿

石浪晴瀾湧石乳珂珠懸崖傾蘿若護峽坼雲爲連
向背岐昏曙往復失後先却憶竟陵語惜哉無瀑泉
我觀五六月湖平水浸天冠峯與絡岫一一靜澄淵
微風忽漾演竹木沆華鮮石亦可赴坎水亦可浮巔
迺知專奇處妙已露其全化工原詭閱眺聽貴靈圓
我且捐擬議諦思山水前

齊山和王無技徐羽先諸丈

幽人山是命巖峭致相關濯露巒前骨歌風巘聳顏
谷傳峪窅窅屏偃翠瀾斑擬向高高頂分龍屋半間
櫟擔隨老衲草薙問樵夫低策盧敖杖紛披怪石

峽光時漾漢岫影故沉湖偶望仙橋上游颺若沉
自天壺乍劃拔地洞爭穿崩斲憑誰巧躋攀信獨賢
亂崖分印月排嶠暗蒸煙儻得移山術臥遊年復年
頓折燥陰別盤紆觸背分突巖懸鳥篆複磴絡苔紋
似浪水非水如緜雲幻雲蒼寒殊愜意時有妙香聞
名山翻借姓石丈託心知罇偏紫泉狀亭荒挂樹差
薜門封鹿臥松穴隱猿嬉一磬林間响拋筇速赴之
嵒稜標玉削屐齒踏空清石石頭堪點巖巖面若迎
經行塵垢汰憩息遠思生齊杜人千載搜奇好締盟

李盤齊山

名山負奇勝，因人成悟賞。洞壑闢神工，煙霽日相養。
懸空歷翠巖，處處逢泉響。峯氣亂朝霞，湖光淡秋爽。
亭閣以時增，俯仰窮蒼莽。刺史後先臨，游咏存天壤。
履跡續追尋，詩賦從茲廣。平望九華巔，江流閱消長。
○光時亨游齊山
山齊石不齊，齊名何自始。字斷千年垂，煙寒四時起。
奇不於巖面，幽寧爭谷裏。登陟吐光靈，夕照入城市。
攜琴聽湖風，來往吹未已。

○本朝彭而述乙酉暮春登齊山

洞壑曾聞富孤亭，注翠微。不因齊刺史，山姓欲何依。

遺跡留長笛，飛花蹴舞衣。殘僧不愛客，白石杜雙扉。

陳希昌游齊山次杜韻

聞說看山興已飛，那堪風景漸依微。洞巖空滴苔偏積，
亭徑荒涼袖未歸。往蹟斷猿啼，夜雨傷心鷺鳥落。斜暉流離到處無，寧宇搔首青天淚滿衣。

山遊逸興倚飛樹，色遙看入翠微。石上莓苔因雨長，
洞中猿鶴趁雲歸。數峯青靄連朝霽，萬壑蒼煙接夕暉。
襟帶江湖愁不盡，登臨客路欲沾衣。

蒼蔚朝隳鳥倦飛，當年名物總稀微。白雲封徑迷還入，
黃鶴游仙去不歸。剝有殘碑埋草露，空餘古木挂

流暉俗緣斷絕知何日盛壯徒傷未拂衣

施閨章齊山次杜韻

孤雲北去又南飛暫駐征車戀翠微小院殘僧煨芋
熟清溪漁子帶魚歸霜枯巖竇餘春草日落江城炯
夕暉揮手古今莫悵望明朝先製薜蘿衣

周體觀齊山即事

春郊千里大堤斜湖草淒淒接郡衙山寺轉浮龍女
岫林鶯倒啄蔦蘿花杜陵詩賦悲空谷江路風煙起
暮笳借問漁樵隱君子蒼顏黃髮爲誰嗟

吳燦齊山行

問余何事耽奇矚日醉齊山酒千斛他山之奇奇在
貌齊山之奇奇在腹謾道頑然一石叢盤紆陵突爭
玲瓏一線天開巨靈斧九鼎洞劈蓬萊宮奔牛伏虎
守戶牖蒼松古檜環蚪龍翠微亭子舒遠眺仙人橋
上癸長嘯捫蘿更入一層峯華蓋穹窿尤與突恒含
日月吐雲煙別有天地非人間何怪當年齊太守至
今姓字與山傳

劉廷鑾齊山

冬暖尋碑亂石中磴迴正罌菊花叢巖從丹轂題爲
史名自黃扉告作翁

自注黃石齋辭十八
翁詩齊山第六

三段湖光

猶激灑四山峯勢並龍從道人選勝窮巖洞厭我頻
來髮已蓬

李愈昌齊山次周憲副韻

石出湖中徑已斜長隄煙柳舊鶯衙盡看秋浦潭爲
鏡敢比河陽縣有花古砦馬軍求斷鏃新聲鴈陣雜
悲笳置身洞壑全除俗岸谷何煩自歎嗟

邵旻重登齊山

達生者有云云藏山於壑翠微縹緲閣近漱風波
計別綴旌旗馬蹄散累錯堪巖萬古蒼璞完自寥廓
披陟怪百端每每鱗而作神王元氣并苔蘚滋丹臆

險躋其巔無復塵心託野鳥立窺人泉源蹲虎脚
迴憶孟冬遊夜月鳴蕭薄草木長青餘雲遠空江漠
微雨濯桐根沖飈動林籟風流誰與存藜光老西郭

葉封遊齊山

步踏雙堤酒爲攜翠微深靄接危梯空巖過雨蒼苔
潤斷壑埋雲碧篠迷匹練一江回睥睨靄光幾樹護
招提忘歸醉倚羣峯秀恨不磨崖處處題

翠屏林列數峯齊又道名因太守題但使好山開面
目何妨詞客費躋攀墟亭若構先栽樹臥碣難尋待
杖藜試指芳蹤一憑眺杏邨秋浦夕陽西

李璋遊齊山

傳說名山也。姓齊，漫扶藜杖，一攀躋藤蘿，蔓鎖仙人跡。石磴苔封，刺史題九鼎，洞中雲欲散。三奇亭畔日初低，歸與不盡登臨興。莫遣寒猿到處啼。

方文遊齊山

振策上齊山，秋草被荒徑。巖壑雖玲瓏，峯巒却平正。名義當在茲，豈由刺史姓。況乎刺池者，齊照非齊映。厥誤昉周生，傳譌入邑乘。司馬據爲實，我獨不敢信。樊川九日詩，意格亦凡近。和者何太多，汨沒自靈性。不如岳鄂公，矢口成高詠。我少嘗遊此，亭榭頗繁盛。一從左帥過，毀折無復剩。九頂及華蓋，二洞尚虛靜。我來坐洞中，不覺日將暝。歸路涉長堤，湖光淨如鏡。

郭世純齊山即事

巖壑近郊美，周旋已七年。人休絕巖石，犢飲上流泉。洞久虛麻飯，疇平種秫田。南湖風信好，一棹意悠然。爽氣朝相待，招攜一紙書。屐聲鳥道茗，飲憩僧廬。

補岫應移樹，臨流不羨魚。即茲成隱者，寧復買山居。雙塔鈴如語，新堤壘未移。城低叢艇子，江隔列峯兒。遑恤碑沈水，猶聞鵠復陂。成虧真底事，對酒在東籬。刺史流芳遠，矜茲濟勝長。物情閒貝葉，天意落欂櫨。

水漱還依石風餐不宿梁
遲君傳綵筆相與傲羲皇
張應薇即事和郭太守

不耐憂勞力登山剖素書
微名虛海嶽間步到田廬
影落天涯鴈波橫池底魚
故園灤水上漂泊尚無居
虛閣開樽日輕雲傍水移
溪頭垂釣叟谷口唱樵兒
偶誦青蓮人因懷白笥
陂嘉賓同鼓瑟岸幘破樊籬
亭聯秋浦水樹落萬山時
城郭濃煙畫湖波綴錦詩
石花翩趁蝶野管嫋吹絲
此日千年事還同崔衍期
人到山亭古流觀與興長
荷香紅墜粉稻蕊綠含槍
捐賦迎新詔浮航問舊梁
如何容吏隱洞口見羲皇

姜侃同侯使君遊齊山懷古

沙間青山酒一甌
青山曾見古人否
鞭敲明月將軍
帽壓黃花刺史秋
空室孤忠邨裏面
華家故址寺
東頭數聲漁笛江
煙紫望古悲今應
淚流

喻成龍齊山

與客攜壺縱遊觀
棧題新架出層巒
人行長陌煙橫
路草浸平湖水到灘
碑字埽苔仍賸綠
壁紗籠句著
成丹公餘得侍山
公晏好共追蹤
繼古歡

劉漢系齊山

僧伐青藤僕運斤
尋蹊始得問巢雲
千年刺史知齊

池州府志卷第六
照一輩才人伴麴君左史洞爲唐世蹟翠微些石度宋
家軍好風不是登高節歸鴈天邊寫練裙

章世德齊山宴集

九日樊川句尚留移尊選勝續名流纔過白露逢霜
降開到黃花又暮秋水繞雙虹連直瀆江橫匹練接
舒州登高喜得重陽近好把新詩共倡酬

池州府志卷第六